

խակ դիմացը, ներքին եզրերին մերեր՝ մայրեր, օղակներ, սրանց վրայից էլ զառ բալթա՞: Թէվէրը վերջանում էին եռանկյունաձև հավելվածով՝ արնուտուավ, որի եզրերին կարված էր լինում զառ բալթա: Ալնուտու-ի եզրերին կարվում էր սուրմա՝ բարակ խողովակիկներ, որոնք տեղ-տեղ երեքական կախված էին լինում եռանկյունի ձևավորված և եռանկյունու գագաթով արնուտու-ին ամրացրած: Այդ եռանկյունին կոչվում է նու-նուփ: Հարուստներն այնքան խիտ էին նու-նուփներ շարում, որ նրանց ծայրերը կարելի էր լինում իրար հետ կարելով միացնել: Արխալուղի, ինչպես և մինքսնայի և ֆոլփի, կոնատակերը դուրս էին կարված լինում, որ սարին լինի, ֆրոնի ոչ: Արխալուղը ունենում էր երկու կողմերից խորը գրպաններ:

4. Մինքսնան հագնում են ամառն արխալուղի վրայից, գլխավորապես հյուր գնալիս: Ձևով շատ նման էր արխալուղին. նույնպես ուներ երեք փեշկ. նույնպես վերին մասը նեղ էր, ներքեինը՝ լայն: Եզրերին դրվում էր ոչ միայն ֆօրա, այլև զառ բալթա: Մինքսնայի թէվէրը շատ ավելի երկար էին լինում, հագնողի բոյն՝ հասակին գրեթե բարաբար՝ հավասար և ավելի լայն: Թէվէրը չէին կարվում սկսած կոնատակերից և միանում էին մինքսնայի հետ միայն ուսագլխներին, իսկ թաթերի մոտ ունենում էին արնուտուններ: Թէվէրի կտրվածքների եզրերին, ուսագլխից մինչև արնուտու-ն երկու կողմերից շարվում էին զույգ-զույգ մեկ օղի մեջ ձգած և այդ օղով զգեստներից կախված դնիզմներ, իբրև երիզ կարված զառ բալթայի տակից: Ալնուտու-ի վրա էլ կրկնվում էին նու-նուփները: Գոտկատեղը կոճկվում էր ոսկե կամ արծաթե կոճակով՝ օճկն արած դրամով, բայց ոչ երեք շափոստով:

5. Քոլփը հագնում էին ձմեռը՝ հյուր գնալիս, անպայման կարմիր մախմուրից, Մրսկովի, որն ավելի թանկարժեք էր, կամ Թավրի գործ: Կրկնում էր մինքսնայի ձևը, բայց ավելի լայն էր և ավելի հաստ էր միջած՝ բամբակած. աստառն ավելի թանկարժեք բամբակե կտոր կամ սատին էր լինում ուզած գույնի: Քոլփի ֆօրան անպատճառ պիտի լիներ կանաչ դրէյից՝ 1—2 սմ լայնությամբ, ապա ֆրավր՝ ֆօրայի առջևից դնում էին անպատճառ մորթի, մոտ 5—6 սմ լայնությամբ, հարուստներն ավելի լայն, տեղական դալայի և աղվեսի, կամ Մոսկվայից բերած սամուրի՝ սամույրի մորթուց: Մորթու տակ աստառը առաջ էր քաշված լինում և վրայի բամբակը փարթամացրած, որպեսզի մորթին ավելի ճոխ նստի ֆօրայից բարձր: Կոներին, արմունկից մինչև թէվէրի բերանը անպայման միևնույն մորթուց պետք է կարված լիներ: Մորթին չէր դրվում միայն վզի զոլին: Կարելի էր նաև հյուր գնալ ամառը ֆոլփը հագին, այդպես էին անում նրանք, ովքեր լավ մինքսնա չունեին:

6. Կօտի՝ գոտի վերջերս, մանավանդ ջահելները, կապում էին կաշուց՝ թօխկա՝ արծաթե կամ ոսկե զարդերով պատված, տեղական կամ Գաղստանի կուբաչիների գործ: Սովորականն ու հնուց պահպանվողը՝ մահուղվարի կարմիր կտորից էր, որն երկու անգամ փաթաթում էին պորտի կլխավր՝ գլխով և մին տակ թուլմա՝ հանգույց կապու՞ և ճրնդերը՝ ծայրերը պորտից աչ և

⁶ Քառակուսի տախտակների 8—12 հատ և բօրի՝ թուրի օգնությամբ մեծ մասամբ մետաքսե, սակավ բամբակե թելով գործած ժապավեն: Պարզ սև թելով գործածից զանազանվում էր զառ բալթան, որի մեջ պարզ թելի հետ գցած էր և զառ թելը, այսինքն՝ արծաթաթելը մետաքսե կամ բամբակե թելի վրա ուրրած: Երկու տեսակներն էլ ծախվում էին մատուցներով (МОТОК բառից):